



Broj: JN05-16-4-100-6/20
Sarajevo, 04.01.2021.godine

Na temelju članka 69. stavak (1) tačka a), članka 70. i članka 89. Zakona o javnim nabavama Bosne i Hercegovine („Službeni list Bosne i Hercegovine“ broj: 39/14), ministar pravde Bosne i Hercegovine, d o n o s i

O D L U K U

o dodjeli ugovora u postupku javne nabave usluga servisiranja vozila koja nisu pod jamstvom

I

Dodjeljuje se ugovor ponuditelju **BOS-MONT d.o.o. Sarajevo, Aleja Bosne Srebrene br. 57, 71 000 Sarajevo** u postupku javne nabave usluga servisiranja vozila koja nisu pod jamstvom.

II

Ponuditelj iz točke I ove odluke dostavio je ponudu s najnižom cijenom sukladno članku 64. stavak (1) točka b) Zakona o javnim nabavama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 08.10.2020.godine pokrenulo konkurentski postupak nabave usluga servisiranja vozila koja nisu pod jamstvom, izvršilo objavu 27.10.2020.godine na portalu javnih nabava Agencije za javne nabave Bosne i Hercegovine (www.ejn.gov.ba) i uputilo pozive ponuditeljima na tri različite adrese za učešće u predmetnoj nabavi.

U ostavljenom krajnjem roku za dostavljanje ponuda pristigle su ponude od sljedećih ponuditelja:

1. GUMA M d.o.o. Mostar, Bišće polje bb, 88 000 Mostar;
2. AC QUATTRO d.o.o. Sarajevo, Put života 1, 71 000 Sarajevo;
3. BOS-MONT d.o.o. Sarajevo, Aleja Bosne Srebrene 57, 71 000 Sarajevo i
4. AUTODELTA d.o.o. Sarajevo, Bolnička do br. 11, 71 000 Sarajevo.

Nakon analize i procjene dokumentacije priložene uz ponude, Povjerenstvo je utvrdilo da ponude ponuditelja **GUMA M d.o.o. Mostar** i **AC QUATTRO d.o.o. Sarajevo** ne zadovoljavaju uvjete utvrđene tenderskom dokumentacijom, te da se kao takve smatraju ne prihvatljivim ponudama, dok ponude ponuditelja **BOS-MONT d.o.o. Sarajevo** i **AUTODELTA d.o.o. Sarajevo** ispunjavaju formalno-pravne i tehničke uvjete navedene u tenderskoj dokumentaciji te da se kao takve smatraju prihvatljivim ponudama.

U pogledu ponude ponuditelja **GUMA M d.o.o. Mostar** Povjerenstvo je konstatiralo da ista ne sadrži valjan dokaz tehničke i profesionalne sposobnosti u skladu sa točkom 3.1.3. tenderske dokumentacije, a koji ponuda u skladu sa točkom 8. g) tenderske dokumentacije mora sadržavati. Preciznije, navedena ponuda ne sadrži potpisanu i ovjerenu izjavu ovlaštene osobe ponuditelja, koja je dana pod punom materijalnom i krivičnom odgovornošću da raspolaže u vlasništvu sa najmanje jednim servisnim prostorom u Gradu Sarajevu ili da nema u vlasništvu servisni prostor ali da po drugom osnovu raspolaže najmanje jednim takvim prostorom u Gradu Sarajevu, u kom slučaju je ponuditelj obavezan uz izjavu dostaviti sporazum ili ugovor kojim dokazuje pravo

raspolaganja konkretnim servisnim prostorom u Gradu Sarajevu, koji nije u njegovom vlasništvu, a koji će služiti u svrhu predmetne nabave servisiranja vozila. Nadalje Povjerenstvo je konstatiralo da je ponuditelj **GUMA M d.o.o.** uz ponudu dostavio „Izjavu o posjedovanju servisnog prostora na području Grada Sarajeva”, koja: a) nije dana pod punom materijalnom i krivičnom odgovornošću i b) iz koje nije vidljivo da li ponuditelj raspolaže servisnim prostorom po osnovu prava vlasništva ili po nekom drugom osnovu, a kako je to traženo i precizirano točkom 3.1.3.1. a) tenderske dokumentacije.

Slijedom navedenog, a budući da je člankom 68. stav (4) točka i) Zakona o javnim nabavama Bosne i Hercegovine propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, shodno tomu Povjerenstvo je konstatiralo da se ponuda ponuditelja **GUMA M d.o.o. Mostar** odbacuje.

U pogledu ponude ponuditelja **AC QUATTRO d.o.o. Sarajevo** Povjerenstvo je konstatiralo da ista ne sadrži valjan dokaz tehničke i profesionalne sposobnosti u skladu sa točkom 3.1.3. tenderske dokumentacije, a koji ponuda u skladu sa točkom 8. g) tenderske dokumentacije mora sadržavati. Preciznije, navedena ponuda ne sadrži valjan cjenovnik usluga sa jasnim normativima, odnosno iz kojeg je potpuno jasno, koji troškovi spadaju u vandredno održavanje i cjenovnik originalnih rezervnih dijelova koji nisu navedeni u Aneksu 3., a što je traženo i precizirano točkom 3.1.3.1. b) tenderske dokumentacije. Ponuditelj **AC QUATTRO d.o.o. Sarajevo** je uz ponudu dostavio izjavu u kojoj navodi da u prilogu ponude dostavlja „na CD-u, zbog obimnosti dokumenata, kompletan cjenovnik koji nije obuhvaćen specifikacijom u Aneksu 3 Ponude” te CD sa oznakom „Cjenovnik rezervnih dijelova”. Iz navedene izjave i cjenovnika **nisu potpuno jasni** troškovi vandrednog održavanja i cjenovnik originalnih rezervnih dijelova, a što je traženo točkom 3.1.3.1. b) tenderske dokumentacije.

Povjerenstvo je dalje konstatiralo da ukupna cijena pristigle ponude ponuditelja **AC QUATTRO d.o.o. Sarajevo** u iznosu od 33.107,38 KM bez PDV premašuje procijenjenu vrijednost nabave utvrđenu točkom 2.1.2. tenderske dokumentacije, u iznosu do 32.478,63 KM bez PDV. Također, **AC QUATTRO d.o.o. Sarajevo** je uz ponudu dostavio obrazac izjave o obaveznoj primjeni preferencijalnog tretmana domaćeg, tražen točkom 8. h) tenderske dokumentacije. U navedenom obrascu je ponuditelj zaokružio opciju pod a), u skladu sa kojom ispunjava uslove za primjenu preferencijalnog tretmana domaćeg, te je u svrhu dokazivanja istog dostavio potvrdu Vanjskotrgovinske komore BiH, kako je i traženo točkom 8. Tenderske dokumentacije. Međutim, potvrda Vanjskotrgovinske komore BiH broj: 05-05-3-27-3657/20 od 31.08.2020. godine koju je ponuditelj dostavio služi „u postupku javne nabave kod ugovornog tijela MUP Kantona Sarajevo – Uprava policije (Javna nabava/tender br. 02-11-4-3208/20 od august, 2020)”, te se kao takva u ovom postupku javne nabave ne može koristiti kao dokaz činjenice o ispunjenosti uslova za primjenu preferencijalnog tretmana domaćeg.

Slijedom navedenog, a budući da je člankom 68. stav (4) točka i) Zakona o javnim nabavama Bosne i Hercegovine propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, shodno tomu Povjerenstvo je konstatiralo da se ponuda ponuditelja **AC QUATTRO d.o.o. Sarajevo** odbacuje.

Nadalje, Povjerenstvo je konstatiralo kako je točkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16).

Člankom 3. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sustav e-Nabave unosi sve prihvatljive ponude.

Slijedom svega navedenog, Povjerenstvo je jednoglasno dalo preporuku ministru Pravde BiH da se u postupku po predmetu nabave usluga servisiranja vozila koja nisu pod jamstvom zakaže e-aukcija na način predviđen odredbama Pravilnika o uvjetima i načinu korištenja e-aukcije, a da se prije zakazivanja iste u sustav e-Nabave unesu ponude ponuditelja **BOS-MONT d.o.o Sarajevo** i **AUTODELTA d.o.o. Sarajevo**, kao prihvatljive ponude, a sukladno predloženoj rang listi i uz primjenu preferencijalnog tretmana domaćeg.

RANG LISTA PRIHVATLJIVIH PONUDA prije održane e-aukcije

Rang	Naziv ponuditelja	Ukupna cijena ponude (KM) bez PDV-a	Ponudeni popust (KM)	Ukupna cijena ponude sa popustom (KM) bez PDV-a	Preferencijalni tretman domaćeg (DA ili NE)
1.	BOS-MONT d.o.o. Sarajevo	18.039,11	0,00	18.039,11	DA
2.	AUTODELTA d.o.o Sarajevo	29.744,00	0,00	29.744,00	DA

Povjerenstvo je tako u sustav e-Nabave unijelo cijene svih gore navedenih ponuda sa preferencijalnim tretmanom domaćeg, jer su navedeni ponuditelji u svojim ponudama istaknuli da se na njihove ponude primjenjuju odredbe o preferencijalnom tretmanu domaćem, te su dostavili i potrebne dokaze o ispunjavanju uvjeta za primjenu navedenog, a sukladno sa točkom 7.2. tenderske dokumentacije i Odlukom o obveznoj primjeni preferencijalnog tretmana domaćeg („Službeni glasnik BiH“ broj: 83/16) te zakazalo e-aukciju za dan 20.11.2020. godine (petak), sa početkom u 12:00 sati.

Nakon što je e-aukcija završena, a na temelju podataka iz Izvješća o tijeku i završetku e-aukcije, koji čini sastavni dio zapisnika, Povjerenstvo je pristupilo rangiranju prihvatljivih ponuda, kako slijedi:

RANG LISTA PRIHVATLJIVIH PONUDA nakon održane e-aukcije

Rang	Naziv ponuditelja	Konačna cijena ponude (KM) bez PDV-a
1.	BOS-MONT d.o.o. Sarajevo	8.905,17 *
2.	AUTODELTA d.o.o Sarajevo	8.923,20 *

*Označava cijenu na koju se primjenjuje preferencijalni tretman

Člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik BiH“ broj: 39/14), donosi odluku o prestanku postupka javne nabave i obavještava ponuditelje u skladu sa člankom 71. navedenog zakona.

Člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave

Točkom 7.1. tenderske dokumentacije propisano je da je kriterij za dodjelu ugovora najniža cijena.

Slijedom gore navedenog, a na temelju ocjene ponuda i rezultata provedene e-aukcije, Povjerenstvo je jednoglasno dalo preporuku ministru pravde BiH, da se u predmetu nabave usluga servisiranja vozila koja nisu pod jamstvom, donese Odluka o dodjeli ugovora ponuditelju **BOS-MONT d.o.o. Sarajevo, Aleja Bosne Srebrene 57, 71 000 Sarajevo**, sa konačnom cijenom od 8.905,17 KM bez PDV (slovima: osamtisućadevetstotina pet i 17/100 KM).

Uzimajući u obzir naprijed navedeno, odlučeno je kao u dispozitivu odluke.

Svaki ponuditelj koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu Uredu za razmatranje žalbi putem Ministarstva pravde Bosne i Hercegovine na postupak u pisanoj formi, u roku od 5 (pet) dana od dana kada je primio odluku, odnosno obavještenje o rezultatima.

Privitak:

- Zapisnici o ocjeni ponuda.

Dostaviti:

- Ponuditeljima u postupku,

- a/a.

